



Prishtinë, 28 shkurt 2019
Kodi i ZRRE-së: V_1115_2019

Bordi i Zyrës së Rregullatorit për Energji

Duke u bazuar në:

- Nenin 9 paragrafi 1 nënparagrafi 1.7, nenin 15 paragrafi 1 nënparagrafi 1.15, nenin 25, neni 26 paragrafi 1 nënparagrafi 1.2 dhe nenin 43 paragrafi 1 të Ligjit për Rregullatorin e Energjisë (Nr. 05/L-084),
- Nenin 16 paragrafin 4 të Rregullës për Procedurën e Autorizimit për Ndërtimin e Kapaciteteve të reja,
- Vendimin për lëshimin e Autorizimit Final V_882_2017 të datës 09 shkurt 2017 për shoqërinë "Eurokos JH" SH.P.K. për ndërtimin e kapaciteteve gjeneruese për prodhimin e energjisë elektrike nga Hidrocentrali HC Restelica 3, në Lumin Restelica ZK Krushevë dhe Glloboqicë, me kapacitet të instaluar prej 1.49 MW, komuna e Dragashit, dhe
- Kërkesën për shtyrjen e afatit të vlefshmërisë së Vendimit për Autorizimin Final V_882_2017 të datës 09 shkurt 2017 i Modifikuar me Vendimin V_1055_2018 edhe për një (1) vit, për ndërtimin e kapaciteteve gjeneruese për prodhimin e energjisë elektrike nga Hidrocentrali HC Restelica 3, në Lumin Restelica ZK Krushevë dhe Glloboqic, me kapacitet të instaluar prej 2.35 MW, komuna e Dragashit, të datës 01.02.2019 nr. prot. 090/19 të shoqërisë "Eurokos JH" SH.P.K. me adresë: rr. "Migjeni" nr. 23, 10000 Prishtinë, Republika e Kosovës, dhe

në seancën e mbajtur me datë 28 shkurt 2019 nxori këtë:

V E N D I M

- I. **APROVOHET** kërkesa e shoqërisë "Eurokos JH" SH.P.K., dhe **SHTYHET** afati i vlefshmërisë së Autorizimit FINAL V_882_2017 të datës 09 shkurt 2017 i Modifikuar me Vendimin V_1055_2018 i të datës 15 tetor 2018 për vazhdimin e ndërtimit të kapaciteteve gjeneruese për prodhimin e energjisë elektrike nga Hidrocentrali HC Restelica 3, në Lumin Restelica ZK Krushevë dhe Glloboqic, me kapacitet të instaluar prej 2.35 MW, komuna e Dragashit, edhe për një (1) vit, gjegjësisht deri me **09 shkurt 2020 për ndërtimin e Hidrocentralit.**



Arsyetim

- ZRRE me datë 27.03.2015 nga shoqëria “Eurokos JH” SH.P.K., ka pranuar aplikacionin për marrjen e autorizimit për ndërtimin e kapaciteteve gjeneruese nga Hidrocentrali, në Lumin Restelica, HC Restelica 3 ZK Krushevë dhe Gllloboqic, me kapacitet të instaluar prej 1.49 MW, komuna e Dragashit, Republika e Kosovës.
- Bordi i ZRRE-së, pas konstatimit se aplikuesi ka dëshmuar përshtatshmërinë e tij për ndërtimin e kapaciteteve të reja gjeneruese nga Hidrocentrali, me datë 28 janar 2016 dhe ka lëshuar Vendimin mbi Njoftimin për Autorizimin Preliminar Nr. V_768_2016 dhe ka udhëzuar aplikuesin që t’i plotësoj kërkesat tjera ligjore që kërkohen me legjislacionin në fuqi në Kosovë.
- ZRRE me datë 16.01.2016 nga shoqëria “Eurokos JH” SH.P.K., ka pranuar kërkesën për shndërrimin e Vendimit mbi Njoftimin për Autorizimin Preliminar në Autorizim FINAL për ndërtimin e kapaciteteve të reja gjeneruese për prodhim të energjisë elektrike nga Hidrocentrali HC Restelica 3, në Lumin Restelica ZK Krushevë dhe Gllloboqic, me kapacitet të instaluar prej 1.49 MW, komuna e Dragashit, duke i bashkangjitur dëshmitë e lëshuara nga autoritetet relevante për përmbushjen e të gjitha kërkesave mjedisore dhe ujore, të drejtën mbi shfrytëzimin e tokës, Lejen Ndërtimore të lëshuar nga komuna dhe kërkesat e tjera ligjore që lidhen me natyrën e projektit sipas legjislacionit në fuqi.
- Bordi i ZRRE me datë 09 shkurt 2017 ka lëshuar Vendimin për Autorizimin Final V_882_2017 shoqërisë “Eurokos JH” SH.P.K., për ndërtimin e kapaciteteve të reja gjenerues për prodhimin e energjisë elektrike nga Hidrocentrali në rrjedhën e Lumit Restelica me kapacitet të instaluar prej 1.49 MW, ZK Krushevë dhe Gllloboqic, komuna e Dragashit.
- ZRRE me datë 27 shtator 2018 nga shoqëria “Eurokos JH” SH.P.K., ka pranuar kërkesën për Modifikimin e Autorizimit Final V_882_2017 të datës 09 shkurt 2017, për Modifikimin/ndryshimin e kapacitetit instalues nga 1.49 MW në kapacitetin total instalues prej 2.48 MW për Hidrocentralin HC Restelica 3 që është duke u ndërtuar në ngastrën kadastrave nr. 1210-1 ZK Gllloboqic, komuna e Dragashit.
- Bordi i ZRRE-së, me datë 15 tetor 2018 ka vendosur me Vendimin V_1055_2018 për Modifikimin e Vendimit të Autorizimit Final V_882_2017 të datës 09 shkurt 2017, lëshuar shoqërisë “Eurokos JH” SH.P.K., për Hidrocentrali HC Restelica 3 nga kapaciteti instalues prej 1.49 MW në kapacitetin total instalues prej **2.35 MW** ngastra kadastrave nr. 1304 ZK Gllloboqic sipas Vendimit nr. 783/18 –ZSP- 1090/2018 të datës 12.09.2018 për ndryshimin e vendimit të Lejes së Ujore me Nr. 1782 -2/11 – ZSP- 486/13 dt. 21.06.2013 për HC Restelica 3, nga N=1.49 MW në N=2.35 MW në segmentin ujqor, nga Kuota 1355.41 ml.m, deri në Kuotën 1251.0 m.l.m., të lëshuar nga Ministria e Mjedisit dhe Planifikimit Hapësinor (MMPH).
- ZRRE me datë, 01.02.2019 nga shoqëria “Eurokos JH” SH.P.K., ka pranuar kërkesën për vazhdimin e afatit të vlefshmërisë së Vendimit për Autorizimin FINAL V_882_2017 të datës 09 shkurt 2017, për vazhdimin e ndërtimit të kapaciteteve të reja gjeneruese nga Hidrocentrali HC




Restelica 3, ZK Glloboqic me kapacitet të instaluar prej 2.35 MW, **edhe për një (1) vit, gjegjësisht deri me 09 shkurt 2020 për finalizimin e projektit.**


- Shoqëria "Eurokos JH" SH.P.K., në kërkesën e saj ka theksuar se: që nga data e pranimit të vendimit për Autorizim Final të Bordit të ZRRE-së, ku deri më i ka përfunduar hapjen e trasesë, ka filluar me vendosjen e tubacioneve, ka porositur turbinat, shumica e punimeve në veprën e marrjes janë kryer me rreth 80 %, është kontraktuar dhe porositur materiali për largpërçuesin si dhe punimet tjera teknike në terren.
 - Shoqëria "Eurokos JH" SH.P.K., ka sqaruar se arsyet e shtyrjes së afatit për periudhën një vjeçare për HC Restelica 3, është se kanë pasur vonesë në modifikimin e lejes ujore nga MMPH e cila ka shkaktuar edhe vonesë në përfundimin e këtij projekti.
 - Andaj, bazuar në të gjitha ato që u paraqitën më lartë, shoqëria "Eurokos JH" SH.P.K., ka kërkuar nga Bordi i ZRRE-së, që duke u mbështetur në dispozitat ligjore të Nenit 16 të Rregullës për procedurën e autorizimit për ndërtimin e kapaciteteve të reja gjeneruese, t'iu lejohet shtyrja e afatit të vlefshmërisë së Autorizimit FINAL V_882_2017 të datës 09 shkurt 2017, për vazhdimin e ndërtimit të kapaciteteve të reja gjeneruese nga hidrocentrali HC Restelica 3 edhe për një (1) vit, pasi që vonesat për përfundimin e projektit kanë ardhur nga arsyet e cekura më lartë, dhe brenda këtij afati do të bëjnë të gjitha përpjekjet për të finalizuar projektin.
 - Bordi i ZRRE-së, pas analizimit të kërkesës së shoqërisë "Eurokos JH" SH.P.K., dhe dëshmime të bashkangjitura për shtyrje të afatit të vlefshmërisë të Autorizimit Final, për ndërtimin e kapaciteteve gjeneruese për prodhimin e energjisë elektrike nga Hidrocentrali HC Restelica 3, në Lumin Restelica ZK Glloboqic, me kapacitet të instaluar prej 2.35 MW, komuna e Dragashit, ka vlerësuar ato, dhe ka konsideruar se arsyeshmëria e kërkesës së aplikuesit është e bazuar, dhe duke u mbështetur në shkresat e lëndës, ku janë prezantuar fakte se brenda kësaj periudhe do të finalizohet projekti, ka vendosur që të lejohet shtyrja e afatit të vlefshmërisë së Autorizimit Final V_882_2017 i datës 09 shkurt 2017, edhe për një afat shtesë ligjor, duke u mbështetur në dispozitat ligjore të cekura në hyrje të këtij vendimi.
- II. Vendimi për Lëshimin e Autorizim Final V_882_2017 i datës 09 shkurt 2017, do të vlen deri me datë **09 shkurt 2020**, sipas dispozitivin nën pikën I., të këtij vendimi, dhe në rast se nuk arrin të përfundojë ndërtimin e stabilimenteve të reja gjeneruese nga Uji, apo nuk vepron në pajtim me legjislacionin në fuqi, vendimi do të shfuqizohet.
- III. Vendimi nxirret dhe publikohet në gjuhët zyrtare në Republikën e Kosovës.
- IV. Vendimi hyn në fuqi në datën e miratimit nga Bordi, dhe do të publikohet në faqen elektronike zyrtare të ZRRE-së.





Këshillë juridike: Pala e pakënaqur me këtë Vendim mund të inicioj konflikt administrativ në Gjykatën Kompetente, brenda tridhjetë (30) ditëve nga data e pranimi të Vendimit ose data e publikimit të tij në faqen elektronike të ZRRE-së, cilado që ndodh e fundit.

Bordi i ZRRE-së:


Arsim Janova, u.d. Kryesues


Besim Sejfiqaj, anëtar


Selman Hoti, anëtar


Izet Rushiti, anëtar

Vendimi iu dërgohet:

- Palës,
- Komunës së Dragashit,
- Sekretarit të Përgjithshëm të MMPH-së dhe
- Arkivit të ZRRE-së